



鄭蔭雲來書

月之初六日承以異書見示叨教之至弟於書未到之前一夜二更就寢忽夢有人吟陳風東門之楊其葉粲粲全篇聲甚嘹亮被雞聲一喚而醒天大明而先生所寄之書適至心甚訝焉書之來也自東門其時則明星煌煌之候其著書之人則孝子楊大瓢也何與夢事巧合耶意者天憐小子愚蒙故假手於有道通人之崧耘先生以楊氏之書授小子而魄兆先徵諸夢耶捧讀之下孝子之言肅然起敬不但如曹子桓得一玉玦笑繼以忤也籍也青盲字跡潦草邀



人精抄數篇即當寄還原本來札云要看周燕山孫
研山堂詩草其書不易得邑中惟弟有之今囑舍姪
覓便寄上乞即檢收遙望石墩神馳無已小弟鄭德
懋法名桐生再拜

時維春仲柳線垂金梨雲沁雪予方兀坐一室焚糖
結烹龍團吟惠休碧雲之句悄焉不怡忽戶外有剝
啄聲啟視則此瞻年兄以研山堂詩草郵寄而以書
屬予曰予少時佔畢聲韻之學非其所長顧竊有夙
好時或登山臨水坐花醉月春歸梁苑秋入楚臺興
會所至率爾成篇積之笥中得若干首茲將出以問
世願假士安之名以重也予謝不敏既而細閱其詩
讀未竟覺齒牙颯颯俱作金石聲輒不禁掩卷而歎
曰技至此乎夫世之言詩者莫不規模盛唐高談氣
格然而一望蕭索譬猶竹籬茅舍非不自成隱逸及

進而觀夫柏梁建章千門萬戶未有如見西子之容而歸憎其貌者山林寒儉不足以登廊廟也明甚吾輩稍稍修飾聲句間則又以為雕鏤而不惜屑道殊不知柯古飛卿輩何嘗不膾炙人口且如義山一詩字字香豔而皆從老杜中脫出學老杜而為江西不如學義山而為西崑也今讀此瞻諸作藻思綺合麗芊綿若春華之燦韶景譬秋水之淡晨霞擬玉溪則逼真玉溪面目也擬昌谷則逼真昌谷神情也噫技至此乎彼世之高談氣格以自文其空疎者其亦可望而却走矣此瞻博雅君子斐然有作述之志茲

將視草玉堂黼黻鴻業為休明之鼓吹則是編特其先資耳予敬拈一瓣香而澆以苦茗以竊比於絲繡平原銅鑄賈島之意云爾康熙壬子如月下浣年弟宋實穎頓首拜題

研山堂詩草

虞山周慶曾祀瞻甫著

鄧尉看梅四首

蠟屐登臨意渺然湖山佳處獨流連書來庾嶺春方
好夢到羅浮月正圓隔水亂飄千尺雪傍籬斜帶一
溪烟閒吟忽憶青邱句縞袂相逢半是仙

渡頭新漲正潺湲二月春風好放船金管玉簫楊柳
岸夕陽芳草白雲天幾枝映水還疑笑盡日無人却
自憐指點上方何處是疎林昏黑一燈懸

勻勻香霧畫溟濛曲澗疎籬有徑通薄暝乍催山店

雨嫩寒初起酒旗風千村月白三更後萬疊雲青一
望中聞道花神還夜出新粧曾似壽陽宮
冰玉為神雪作姿稜稜老幹自離奇暗香寂寞風清
夜疎影交加月到時帶雨折來偏有韻挑燈看去豈
無詩幽芳何處尋同調只許孤山處士知

奉懷高陽李夫子二首

平津高閣倚雲邊悵望沙堤隔冥烟將相一星原戴
斗絲綸五色獨朝天三條燭下慚知己數仞墻高媿
及肩最憶登龍東觀後後堂絲竹進彭宣
相度何當食萬羊碧紗籠處姓名香籌邊憔悴心還

赤謀國辛勤鬢漸霜伊呂舊堪稱伯仲歐蘇今並見
文章自從京洛絨題遠寂寞菰蘆似陸莊

秦淮觀劇

樂府無煩唱董逃雙鬟子弟按雲璈鳳凰吹徹璫為
管鸚鵡飛頻玉作膏逐隊送闈爭巧笑呼朋射覆競
分曹停歌却望烟深處桃葉臨江渡小舸

贈權部黃泰升

青瑣才名闕下傳分魚新領水衡錢酒邊翠袖旗亭
曲江上紅霞賈客船千頃澄波推叔度百年清望重
庭堅鳳池早晚承恩入玉珮珊珊繞御烟

合歡詩賀友人

青鳥能言自往來人間弱水近蓬萊
瑤樓初下歲粧鑠綺席先傾潑灑杯
碧落鳳笙花外迴翠微鸞扇月中開
香奩定有催粧句只待長楊射雉回

是友習武

春詞二首

未了眉梢着意勻水晶簾底坐來頻
低呼小玉深深語鸚鵡籠前莫喚人

流蘇初日照花茵簾押風翻玳瑁新
怯掛盤龍粧未就淺深螺黛早泥人

小遊仙詩十首

金鰲樓閣迴凌空樓下持旛守玉童
石徑春深人不到碧桃花暗紫陽宮

絳節追隨會玉京雲堦月地許題名
簾前青鳥啣天語勅主芙蓉一座城

羽蓋霓旌出海遲玉爐仙女立多時
百花橋下分明見太乙先生是吾師

侍宴瑤樓曉未迴笑看裂缺戲驅雷
仙家不似人間渴也賜紅梁醞一盃

燭夜花開映酒紅駟車錦帳下遙空
座中獨少軒轅老聞道張筵在月宮

狡獪從他說少年擲砂早已過桑田如何烏爪偏珍
重不許爬搔便着鞭

桂露瓊漿且不須膠梨火棗是行遲從今更乞長生
訣將取癡龍第一珠

丹禽白鹿伴閒雲半局殘棋日又曛起誦玉書開寶
笈萬條雷火鍊真文

金鴨添香炷降真壓簾花霧細勻勻不知誰訪裴玄
靜八景宮中五色麟

路入東風駐彩霞一株香雪映明紗只今尚有元才
子解詠唐昌玉蕊花

春閨曲

櫻桃斗帳流蘇煥霞橫波淺香零亂起來扶夢上粧
樓賣花聲過垂楊岸枝頭啞啞啼百舌藕腸撥觸纖
縷結低垂玉筋數離愁袖痕染透猩紅血蟬衫麟帶
墨空箱羞隨女伴踏春陽坐看白日去堂堂梨雲和
月鋪池塘

寄懷少宰梁夫子

秘殿風高啟事頻山公重望冠羣倫綸扉廟算資籌
策夾袋人材任討論天上歲星原是朔世間靈岳又
生申林泉若為蒼生起金鏡千秋進紫宸

和李義山無題四首

側側輕寒料峭風莫愁堂上宋家東未成密約心先
許欲託微波意自通曉鏡試粧開淺靨曙霞橫鬢傅
斜紅絕憐此會殊難得咫尺陽臺似斷蓬

玉屑芳塵去後踪透簾殘月漏疎鐘珮聲漸逐花陰
轉香氣偏隨蕙露濃贈別止教留芍藥無媒端合待
芙蓉綢繆新記還堪問小疊紅紗印幾重

燼落蘭缸夢欲來打窗梅雨送輕雷機邊豔錦鴛紋
合釵底香雲燕影迴班扇畫成秦女樣蜀箋吟出薛
家才象沐繡枕飄零甚從此心情是死灰

三年錦字寄應難消息深沈白日殘
似藕墮絲還易斷卷荷承露幾曾乾
畫屏倚月琉璃冷斗帳含風翡翠寒
自媿不如雙燕子終朝粧閣傍簾看

明月照積雪

寒月臨空碧尋常亦自宜獨於殘雪裏偏稱滿輪時
匝樹烏先覺侵堦鶴漸知瓊枝重綴玉珠室更燃藜
練影亭、遠清光曲、隨韋琮休作賦對景只吟詩

韋琮有是題賦

賦得桃李無言

玉律陽和轉芳堤桃李繁乍開疑是笑靜對却無言

壓露全忘冷烘霞未覺温不教施錦障誰遣護星幡
啼鳥休相問遊蜂且任喧晚來林下見黯澹正消魂

新竹

千尋抽碧玉數寸別春泥籜解龍身出梢垂鳳尾低
交牕翠影亂入水綠紋齊漸與王猷約相看過日西

詠史三首 崑體

秦皇

徙倚金城百二關卷衣侍女盡花顏銀盆夜半春泉
動滿露索宮中曉月閒此日暗傷蒼玉佩當時爭捧
綠雲鬟如何一謝沙邱輦長閉阿房歌舞班

漢武

桂觀祈年接上台橫汾簫鼓宴初迴望窮瑤島來青
鳥劫盡昆明認黑灰午夜白茅親拜爵三更清醮獨
登臺茂陵筇杖無消息石馬淒涼卧草萊

唐明皇

珠被空閒覆御床自教法曲按霓裳雕欄芍藥酣新
雨水殿芙蓉護曉霜香拂金車朝虢國聲偷玉笛醉
寧王不堪蜀道重回首冷盡華清十六湯

將進酒

雷奔電激龍蛇走床頭古劍生銅吼燒燭攤書未稱

情不如且盡中山酒琉璃白琥珀紅砍桂燒金香霧
濃搔首問天天夢：參差楊柳搖春風劉伶未死青
蓮在持杯荷鍤專相待一飲長鯨吸百川白波倒捲
如飛泉丈夫快意乃如此何必麒麟刻玉腰橫紫長
歌歇短歌急長歌短歌聲嗚咽空山鬼嘯潛蛟泣舉
酒勸君復太息昨日鶯聲今無力茸茸芳草生枳棘
熊虺食人行不得

詠牡丹八絕

繡幃初卷曉矇矓日朝霞一抹烘曾是玉妃親手
捻猩紅無恙護春風

傾城傾國總相宜金屋當年認舊枝却怪沈香亭醉
後更無人要賞花詞

香風動處捲紅濤銀燭燒殘絳幄高拂地紫麟呈瑞

色 上相公袍

標格矜嚴壓衆芳輕綃淡々道家粧脩花小史携鉛
槩認得香名一寸黃

畫堂涼月冷矐瑜小玉春來病未蘇崇敬寺前回首
處莫教薄倖似君虞

碧玉丰神紫玉膚桃花為婢杏為奴丹青何處尋周
昉畫出西施醉後圖

高低深淺藥欄邊
酣雨籠烟更可憐
最憶玳筵紅燭
夜水晶簾外月娟
紅暈初生欲斷魂
錦帷春暖射朝暎
韓家劇去非無
意多恐難看到子孫

秋日村居四首

自得林間趣悠然
任所宜芙蓉新步障
楊柳舊簾帷
咽石泉流急穿花漏
滴遲牀頭初漉酒
且醉習家池

其二

幽棲臨水石喜與世情遙
歸徑催花落鈎簾待葉飄
看兒鬪蟋蟀迎客捲蠨蛸
到晚秋原望青黃雜黍苗

其三

門巷蓬蒿滿人言仲蔚居
守花聊遣鶴賦粟戲招狙
入市多將藥閑吟任抱書
只愁涼思動添得小窗虛

其四

竹徑風初掃莎堦露漸開
天迎黃葉吠僧踏白雲來
玉屑飛談塵銀花照酒杯
幽懷羞足遣不減對宗雷
贈梁太保

弓掛扶桑劍倚天
策勛還似勒燕然
紅梁醞熟厨炊
蠟綠桂膏濃壁列錢
金距對雞過北埭
玉鞭驕馬出
平泉應知麟閣書
名早錦帳牙旗醉管絃

壽沈母周太夫人八首

月姊下雲輶祥光照綺筵
珮環爭耀日翟茀試朝天
籍許丹臺註名宜彤管宣
已驚麟入夢還訝鳳棲肩
排岳來申甫傾爐鑄子淵
衡文開棘院視草過花磚
玉筍班空綴珠囊道自傳
登龍東觀後拜母北堂前
命婦隨興慶門生祝大年
紫泥緘綠誥白髮映紅箋
桂葉晨含露瓊枝夜拂烟
蓬瀛原可接遮莫話桑田

二泉亭詩十首

為梁谿吳明府作

畫檻朱闌倚碧峯白雲深處好聽松
使君只飲官厨水素綆銀瓶盡日供

碧盡山斜列畫圖雲龕月澗似清
澗仙曹侍史携香案挹得瓊漿貯玉壺

蒼苔碧石水粼粼竹馬相迎幾度春
聞道政餘多樂事紫雲庵裏試湯神

調鶴携琴足勝遊好山無恙夕陽樓
家風漱盡延陵石又向梁谿枕碧流

丹崖紅樹隱層臺桃李春深次第開
浣沼只今誰是主放衙惟有使君來

輓轡雙井汲秋烟活火壚頭手自煎
試揭簾泉漂白石九龍峯頂鎮千年

雲根玉液是仙靈粉署閒評陸羽經今日政聲推第
一二泉還擬作中冷

跳珠濺玉浸琉璃茗椀熏爐就石移却勝平陵城畔
尉投金瀨玉口吟詩

玉碣金楹接翠微遠山近浦正依依印牀雲冷簾垂
處自坐清溪看落暉

渡虎回風夜不驚三年雨露潤蒼生曾經寶善橋頭
過聽得泉聲似頌聲

佛日即事

嫩晴風日好選勝在山家榆莢飄如紫櫻桃爛似霞

引杯浮綠蟻看竹上青蛇滿腦黃金馬盤茵紫鈿車
魚屏紛艷麗雁檣競豪華看醉擷拋紅豆冰肌挂碧
紗禿衿調翡翠纖手擘琵琶逐隊携雙屐分曹鬥八
叉溪邊尋杜若澗底認胡麻斷壑松根老精藍石徑
斜尼師翻貝葉女伴施袈裟灌頂思香水漫天想雨
花無人燒木佛有地現金沙菽乳淮王饌龍團陸羽
茶冷、清磬迴冉冉冥雲遮曲院看眠鶴玄陰聽噪
蛙珮環還掩映簪烏屨交加遊賞宜歡會登臨易感
嗟江魂縈別夢潘鬢惜春華不覺歸來晚城頭起暮
笳

睡蝶

韓馮夫婦怯雙飛一夢遽、日影微醉趁落花眼碧
草冷隨殘露窈紅薇幾番語燕催難醒是處遊蜂喚
不歸試入滕王圖畫裏香慵粉倦正依稀

新燕

青蟲哺後下雕梁漸蹴飛花過宋牆掠水乍知春浪
煖出簾還怕曉雲涼脩翎未長烏衣薄澁語初翻黃
口忙任是紅絲休繫足鬱金堂上認斜陽

贈三峯鑑公上人二首

選佛場中再世來蕭然瓢笠寄香臺閒雲一片安心

竟斜月三更入定迴石上殘經翻貝葉花間清漏滴
莓苔誰知也是忘聲句各夢同床試自猜

松老雲深住翠微恒河塵事眼中稀風翻水鉢龍初
出錫響秋山鶴自歸西壁幾時窮浩劫拈花今日示
玄機辦香一縷心皈處明月西堂白板扉

初晴野步

積日秋陰嬾啟關新晴曳杖強躋攀江村白酒三分
釀野老黃花一徑閒病樹卷雲還黯淡寒泉咽石自
潺湲寫生欲倩徐熙手皴得青、過兩山

迎春十首和元微之韻

何處迎春好迎春上苑中
千官趨曉漏萬戶啟條風
釵勝凝寒剪池冰趁暖融
莫愁花信急幡影立芳叢
其二

何處迎春好迎春花縣中
棠陰迴麗日琴韻入清風
鵲擁芳塵暗鳧歸曙色融
放衙行樂早桃李看成叢
其三

何處迎春好迎春紫階中
人行芳草岸馬踏早梅風
綵仗晴烟簇香泥暖日融
紅塵紛撲面又過百花叢
其四

何處迎春好迎春繡閣中
鏡鸞宵對月釵燕曉臨風

柳葉眉間嫩檀心日上融
相將簾下立笑語出蘭叢
其五

何處迎春好迎春曲院中
小紅花怯露淺碧柳搖風
蜀錦霞紋合磁甌雪乳融
休嫌京洛遠梅信發新叢
其六

何處迎春好迎春北里中
清歌低按拍豔舞俏回風
繡績香塵染烟脂膩粉融
千金容易擲莫負綺羅叢
其七

何處迎春好迎春酒市中
新烟初改火芳樹乍含風
入座紹還解盈樽蟻正融
當爐人自少爛醉錦香叢

其八

何處迎春好迎春戎幕中綠沈槍舞雪血汚馬嘶風
超乘軍容壯投醪士氣融饒歌聲未盡細柳又成叢

其九

何處迎春好迎春山寺中探梅僧紀臘選樹鳥啼風
草短侵堦軟冰輕到澗融晚來蓮漏轉隱隱度疎叢

其十

何處迎春好迎春村社中綠醅三日飲黃犢一車風
氣轉葭灰動陽回土脉融不須鄒子律菜甲漸叢

別燕

舊巢猶自對斜暉却傍誰家門戶歸春社柳絲拋綠
野秋風桃葉隔烏衣窺燈有恨喃語掠水多情故
故飛珍重關山今夜路昏鴉落雁且相依
挈侶將雛過隴頭水雲涼處話離愁江村茅屋辭三
戶甲第珠簾別五侯飄泊料應隨字雁浮沈遮莫傍
書郵明年春早來休晚記取啣泥到小樓

送春十首

春來何處去何之碧落迢迢繫夢思一樹殘花三日
雨綠窗裁得贈行詩

楊柳沈沈院落空曉鶯啼斷五更風天涯不少消魂

別都在蒼烟細雨中

蒲葉初長蕙葉齊梨花如雪浣香泥黃鸝也是無聊
賴飛到秋千架上啼

柳絲無力綰離愁惆悵穠華委碧流只有城南芳草
岸夕陽依舊下紅樓

十日輕寒嬾下堂忽聞春盡轉增傷便拚酩酊消離
恨那問人間駐景方

亂紅飛處餞殘春婪尾新深又一巡休憶往時歌舞
地月波簾影定無人

蜂稀蝶靜樹無花不捲朱簾生日斜記得橫塘明月

夜畫船銀燭奏琵琶

數日風簾不上鈎知君西去又東遊思量最是花開

盡芍藥欄邊一轉頭

幾度相逢病酒中歸期無語黯隨風不知曾向誰家
別猶戀重衾醉日紅

來不關愁去有情每逢三月愛深更勸君且為逡巡
住燕子巢成便送行

題于中丞書院

高閣麒麟早策勲鄴侯功業冠諸君十年節鉞惟荆
府百萬貔貅護領軍錦里即看蜀相廟祁連應想霍

家墳虞陽可待巫咸下一曲神絃望白雲

壽慈溪董翁

不羨風流賀季真鑑湖一曲老遺民窗臨雪竇偏宜
月地近珠巖迴絕塵自寫神方教駐景誰將靈液問
長春高堂燕喜知何似膳是諸花脯是麟

贈趙雪嶽年兄

清讌華堂燭九光二是甜雪佐瑤觴春風棠樹還分
陰夜月雲籤亦鬥香露止應餐沆瀣冰心誰待濯
滄浪五雲闕下鳧飛處知是王喬觀紫皇

嚶城汪氏招看牡丹次宋荔裳韻

綠桂濃膏特地然歌梁渡歲本僊僊止知國色宜酣
雨肯信天香自吐烟紅暈剪羅花正午碧痕拖練月
初圓沈香亭畔題詩後更羨清華有玉蓮

賦別朱護仙年兄

春風拂檻柳垂絲恰是高齋話雨時盡日酒尊淹北
海一番談笑接南皮醉圍紅袖題新句閒捲朱簾覆
舊碁曾記蕊珠宮裏事霓裳同聽正相思

贈鄭西求

詩社文壇早擅名班荆此日慰平生龍泉照步屐文
滑馬埒鋪金駿足輕自譜新詞教靜婉誰傳幽恨寄

蘭成鴿湖波暖春光好斗酒遲君共聽鶯

上巳泛舟西山二首

扁舟春浪穩渡口雨新過花片魚吹急烟絲蝶罨多
開尊思曲水對柳想靈和莫看前溪舞橫塘有櫂歌

其二

修禊今年好春光趁嫩晴淥波迎畫鷁芳樹語流鶯
歌轉雙珠重風生雲液輕佳晨應有賦擊鉢看先成

西城晚眺二首

參差粉蝶隱朱樓花樹垂陰翠幄稠危石秀松雙佛
寺斜陽疎柳一漁舟山雲作意偏多幻溪水無愁只

自流坐久不知歸路杳角聲催月下汀洲

深：高柳語黃鸝林下風和信杖藜蒨薜雨餘青不
斷蒹葭水淺綠初齊寂寞懸蛛網香徑蕭條落
燕泥最是石床僧定後疎鐘遙挂夕陽西

苦雨

曉聞啼鳩午聞鳩小雨如絲苦未收蝸篆縱橫侵劍
匣燕泥零落汚香篝疎簷宿鳥饑難起矮屋炊烟濕
不流却怪橫塘一篙水亂隨漁艇過沙洲

落花詩十首

萬點風飄正暮春愁看成綺復成茵青衫有淚酬知

已紅雨無情送美人金屋餘香還認舊雕欄
隨粉恰如新朱顏黃土由來事莫問前身與後身
一籬小雨掩柴門梅子生仁竹有孫金谷漸悲將送
客蘭皋還惜未招魂酒澆青塚愁難醒夢入黃陵路
易昏多謝西郊十里樹春風憔悴鳥能言

暈碧裁紅總易灰風欺雨獵等閒摧羅襦南浦堆成
錦車馬西陵踏作苔殘艷尚留蜂有約餘香未斷蝶
重來飄茵墮厠渾無信東君着意開

獨對閒庭數落紅蕭疎簾幙怯東風五更枕上聽來
少三月林間望却空惜別黃鸝渾戀、催歸杜宇正

匆欲知離恨頻添處只在殘燈暮雨中

驅駒歌罷泣分離
路低徊去每遲
婪尾酒應澆芍藥
邀頭宴不到
荼蘼
想舊夢青苔在
桃葉新愁白髮
知宮柳正眠鶯
又轉可堪惆悵度良時

賸粉零膏劇可憐
綺窗和淚
葵嬋娟愁隨楚雨
淹三日夢到秦宮
又一年繡幕曉雲閑
翡翠彩繩明月冷
秋千瑤臺碧樹應難老
何計驂鸞得馭仙

柳烟桃露拂衣輕
獨對空園憶舊情
紅委碧苔愁欲死
綠隨芳草怯初生
雕梁燕語三春雨
荒塚鶻啼半夜聲
今日小窗無一事
雙柑斗酒正聽鶯

離魂無那黯然消，忍見殘紅續、飄翡翠。曉寒衾漸薄，鴛鴦夜冷，枕無聊。風前柳倦，舒青眼，樹底蜂愁。損細腰，最惜芳時容易過，千金肯許換良時。
侵階草色漸萎，芳徑依然溼。燕泥紅雨，一簾人病。酒綠窗三日，客分題，魚吹墮。粉頰噓沫，烏戀殘枝，不住啼底事，扣門煩馬策。故園零落，首重低。
亂紅吹散一天霞，不傍籬邊。即水涯暮雨，朝雲誰是主。曉風殘月，定無家。酒醒梅聽，桓伊笛，馬上愁聞。蔡琰笳無限，離情何處寄，只憑尊酒饒年華。

春遊

油壁瓏璁陌上塵，粉痕香澤濕羅巾。坐看玉樹還成醉，笑逐金丸也療貧。紅暈小桃嬌看雨，碧粘芳草嫩含春。錦城佳麗誰同賞，眼鶯花識主人。

紅梅閣文燕詩

高堂良宴會賓主，欣同調春山。列畫屏，綠窗開窈窕。微風自東來，薄寒陡料峭。南枝發異葩，紅燄烘如燒。輝映日，曛曛綺席紛相照。金盤鱠縷細，玉管歌聲俏。酒客盡山簡，詩人俱謝眺。一飯吸長鯨，百篇殊美妙。爭先石鼎前，搜出蚯蚓竅。風雅庶在茲，狂吟復長嘯。把酒酌紅梅，花神睇含笑。借此比蘭亭，何如王逸少。

余罹先君子之戚苦塊筑久不親筆硯遠承
杜子靜孫惟一兩太史千里致奠賦此志謝
千里貽書慰死喪近來情緒轉增傷儀床風冷三更
夢華表秋深午夜霜吟廢蓼莪空有恨歌殘楚些不
成章故交漬酒偏珍重一束生芻淚萬行

此首可刪

研山堂

不放纖塵拂戶來已迎空翠起樓臺樹連野徑穿雲
入山繞疎簾卷畫開~~落~~楸枰消白晝閒携筆格坐
蒼苔胸中邱壑渾如此狎鳥盟鷗且莫猜

延陵宅中同吳玉隨年兄觀女優六絕

花下珠簾半上鈎雲鬟二八按箜篌玉釵恩重三生

夢玳瑁筵前一轉頭

何須螺黛鬥雙蛾

薄羅一曲繞梁聽朱

足教人錯認是韓娥

玉人絃管畫簾深明燭熏爐此夜心舞罷柘枝嬌不

起倩誰收得辟寒金

法曲開元獨擅場紅牙檀板奏霓裳善才沒後秋娘

死只合溫柔老是鄉

從知鑠骨本珊珊畫出樓頭謝小蠻笑拂楸枰花下

賭水晶如意玉連環

碧玉羅巾紫玉絛媚霞斜入暈紅潮埽眉才子爭題
句乞與纏頭一幅綃

讀鑑公和尚詩

禪中有詩靜裏拈花笑箇中况味誰能道箇中有禪
揮灑常自如烟雲觸目供卷舒詩仙禪覺兩無碍吾
道何分內與外我讀鑑公詩劈碎虛空信所之有時
瀑布飛泉萬頃波濤濶有時松風鶴淚子夜聲幽恹
我學鑒公禪目送飛鴻五絃有時陡下機權立地
令人悟有時婆心指引魚龍出聽天花翻詩不可議
禪難詮鑒公起承心油然而靈通莫學死水靜我將游

心罔象振衣千仞觀天淵

贈大叅安鑄

斗南威鳳下璇霄福_馬天翠嶺遙保障六城今節
度蕃宣四國漢宮_倭龍堆鳳捲星旗肅魚海烟開日
羽高簡在帝恩應不遠暫飛膏雨和江濤

贈二府韓載字

三吳財賦甲諸藩劇郡司農會計尊燕寢春深香護
閣琴堂人靜鶴臨門民懷召杜聽題詠

帝春蕭曹有特恩愧我樗材承雨露沾濡誰不溯河源

壽蔣翁六十

虞嶺星占動少微翠雲常護地仙基田漁藝圃詩千
卷信宿春光酒一卮夢繞華胥憑鳥喚神遊太古只
心知何須更覓長生藥設悅重開甲子期

贈二府魯文遠

東顧訐謨出

重內臣旄鉞畀吳中雙南文價留簪筆八面才鋒騁
玉驄蜃海樓臺黃霧靜蓬萊宮闕翠烟濃饒歌共祝
岡陵壽應信麒麟第

寄懷羅約齋中丞開府西蜀

九折卬岷叱馭過錦城春色近如何譙玄門戶荒苔

合葛相祠堂碧草多烟靜百蠻懸使節風清五管出
饒歌中朝宰相迴鄉地好促錄車上馭娑

贈馬總戎

十萬貔貅盡水犀東南卧鎮陣雲迷臨江鎖鑰當關
塹橫海樓船息鼓鼙豹尾庭趨承

春龍韜動璇題平生吏治兼軍政嘗切吳民拜馬蹄

燕臺觀奕

斜日高軒對奕枰相看黑白且忘情小兒破敵誰傳
檄大將臨征自樹旌一着全圖何處失百年覆局竟
無成疎簾清簟秋林晚不覺驚心下子聲

輓吳梅村司成

西風蕭瑟不勝哀
又送文星到夜臺
白玉樓成招李賀
可知天上少詩才

此首可刪

研山堂詩草

終

乙卯九月下旬於一區溪有書人此集採冊二首於松記



卷之四